

ЎЗБЕКИСТОН ҚОНУНЧИЛИГИДАГИ ЯНГИЛИКЛАР

- **ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ**
– «Коммунал хўжалиги тизимида табиатни муҳофаза қилиш фаолиятини яхшилашга доир қўшимча чора-тадбирлар тўғрисида» (кўчирма).

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

КОММУНАЛ ХЎЖАЛИГИ ТИЗИМИДА ТАБИАТНИ МУҲОФАЗА ҚИЛИШ ФАОЛИЯТИНИ ЯХШИЛАШГА ДОИР ҚЎШИМЧА ЧОРА-ТАДБИРЛАР ТЎҒРИСИДА [Кўчирма]

(«Ўзбекистон Республикаси қонун ҳужжатлари тўплами», 2010 йил, 5-сон, 40-модда)

Табиатдан фойдаланишнинг иқтисодий механизмини янада такомиллаштириш, табиий муҳитни соғломлаштириш, сув қувурлари-канализация корхоналарининг ишини ва молиявий аҳолини яхшилаш мақсадида Вазирлар Маҳкамаси қарор қилади:

1. Ўзбекистон Республикаси Давлат табиатни муҳофаза қилиш қўмитаси, Иқтисодиёт вазирлиги, Молия вазирлиги, «Ўзкоммунхизмат» агентлигининг юридик шахс бўлмасдан тадбиркорлик фаолияти билан шуғулланадиган, ишлаб чиқариш оқова сувларини шаҳарлар ва бошқа аҳоли пунктларининг коммунал канализация тармоқларига чиқариб ташлайдиган юридик ва жисмоний шахсларни атроф табиий муҳитни ифлослантирганлиги ва чиқиндиларни Ўзбекистон Республикаси ҳудудига ифлослантيرувчи моддаларни нормативдан ортиқча оқизган ҳолда жойлаштирганлиги учун компенсация тўловларини (кейинги ўринларда компенсация тўловлари деб юритилади) тўловчилар деб белгилаш тўғрисидаги таклифи қабул қилинсин.

2. Белгилансинки, ифлослантيرувчи моддаларни оқизганлик учун сув қувурлари-канализация корхоналарининг компенсация тўловлари ҳисоб-китоби ифлослантيرувчи моддаларнинг коммунал канализация тармоқларига нормативдан ортиқча оқизилганлиги учун уларнинг абонентлари ҳисобланган тўловларининг суммаси чиқариб ташланган ҳолда амалга оширилади.

3. Белгилаб қўйилсинки:

ифлослантيرувчи моддаларнинг шаҳарлар ва бошқа аҳоли пунктларининг коммунал канализация тармоқларига нормативдан ортиқча оқизилганлиги юзасидан мониторинг олиб бориш сув қувурлари-канализация корхоналарига юкланади; компенсация тўловлари сув қувурлари-канализация корхоналарининг махсус лабораториялари тақдимномаси бўйича Ўзбекистон Республикаси Давлат табиатни муҳофаза қилиш қўмитаси органлари томонидан ундирилади ва компенсация тўловларини тўловчилар томонидан белгиланган тартибда ҳисоблаб чиқилади;

ифлослантيرувчи моддаларнинг шаҳарлар ва бошқа аҳоли пунктларининг коммунал канализация тармоқларига нормативдан ортиқча оқизилганлиги учун ундириладиган

маблағлар қуйидагича тақсимланади:

50 фоизи — Вазирлар Маҳкамасининг 1993 йил 24 майдаги 246-сон қарори билан тасдиқланган Табиатни муҳофаза қилиш жамғармалари тўғрисидаги низомга мувофиқ фойдаланиш учун табиатни муҳофаза қилиш жамғармаларига;

50 фоизи — республика бюджетига ўтказилади.

4. Ишлаб чиқариш оқова сувларини қабул қилиш қоидалари ҳамда ифлослантيرувчи моддаларнинг Ўзбекистон Республикаси шаҳарлари ва бошқа аҳоли пунктларининг коммунал канализация тармоқларига нормативдан ортиқча оқизилганлиги учун компенсация тўловларини ҳисоблаш тартиби 1-иловага мувофиқ тасдиқлансин.

6. Шаҳарлар ва бошқа аҳоли пунктларининг коммунал канализация тармоқларидан ва тозалаш иншоотларидан фойдаланишни таъминлайдиган сув қувурлари-канализация корхоналари юридик шахс бўлмасдан тадбиркорлик фаолияти билан шуғулланадиган, ишлаб чиқариш оқова сувларини шаҳарлар ва бошқа аҳоли пунктларининг коммунал канализация тармоқларига оқизадиган юридик ва жисмоний шахслар рўйхатини бир ой муддатда тузсинлар ва Ўзбекистон Республикаси Давлат табиатни муҳофаза қилиш қўмитасининг ҳудудий органлари билан келишсинлар, шунингдек ушбу рўйхатга мунтазам равишда тузатиш киритиб борилишини назарда тутсинлар.

7. Ўзбекистон Республикаси ҳукуматининг 3-иловага мувофиқ айрим қарорларига қўшимчалар ва ўзгартириш киритилсин.

8. «Ўзкоммунхизмат» агентлиги ҳамда бошқа манфаатдор вазирликлар ва идоралар бир ой муддатда Вазирлар Маҳкамасига қонун ҳужжатларига ушбу қарордан келиб чиқадиган ўзгартириш ва қўшимчалар тўғрисида таклифлар киритсинлар.

9. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Б.А.Хўжаев зиммасига юклансин.

**Ўзбекистон Республикасининг Бош вазири
Ш.МИРЗИЁЕВ.**

Тошкент ш.,
2010 йил 3 февраль
11-сон.

Вазирлар Маҳкамасининг
2010 йил 3 февралдаги 11-сон қарорига
1-ИЛОВА

ИШЛАБ ЧИҚАРИШ ОҚАВА СУВЛАРИНИ ҚАБУЛ ҚИЛИШ ҚОИДАЛАРИ ҲАМДА ИФЛОСЛАНТИРУВЧИ МОДДАЛАРНИНГ ЎЗБЕКИСТОН РЕСПУБЛИКАСИ ШАҲАРЛАРИ ВА БОШҚА АҲОЛИ ПУНКТЛАРИНИНГ КОММУНАЛ КАНАЛИЗАЦИЯ ТАРМОҚЛАРИГА НОРМАТИВДАН ОРТИҚЧА ОҚИЗИЛГАНЛИГИ УЧУН КОМПЕНСАЦИЯ ТЎЛОВЛАРИНИ ҲИСОБЛАШ ТАРТИБИ

1. УМУМИЙ ҚОИДАЛАР

1. Ушбу Қоидалар ишлаб чиқариш оқова сувларини қабул қилишнинг ягона қоидаларини ва ифлослантيرувчи моддаларнинг Ўзбекистон Республикаси шаҳарлари ва бошқа

аҳоли пунктларининг коммунал канализация тармоқларига нормативдан ортиқча оқизилганлиги учун компенсация тўловларини ҳисоблаш тартибини белгилайди.

2. Ушбу Қоидалар:

абонентлар томонидан ишлаб чиқариш оқава сувларини шаҳарлар ва бошқа аҳоли пунктларининг коммунал канализация тизимига оқизиш юзасидан техник шартларни беришда; ишлаётган, лойихалаштирилаётган ва реконструкция қилинаётган корхоналар учун коммунал — экологик нормативларни ишлаб чиқишда;

Ўзбекистон Республикаси Давлат табиатни муҳофаза қилиш қўмитасининг ҳудудий органлари (кейинги ўринларда Давлат табиатни муҳофаза қилиш қўмитаси деб юритилади) томонидан ифлослантирувчи моддаларнинг коммунал канализация тармоқларига нормативдан ортиқча оқизилганлиги учун абонентлардан компенсация тўловларини ундиришда; шаҳарлар ва бошқа аҳоли пунктларининг канализация тизимига оқизиладиган ишлаб чиқариш оқава сувларини қабул қилиш ва тозалашда қўлланилади.

3. Ушбу Қоидаларда қуйидаги асосий атамалар ва тушунчалардан фойдаланилади:

сув қувурлари-канализация корхоналари — ичимлик сув билан таъминлайдиган ҳамда ишлаб чиқариш оқава сувларини кейинчалик тозалаган ҳолда қабул қиладиган юридик шахслар;

абонент — ишлаб чиқариш оқава сувларини коммунал канализация тармоқларига оқизадиган юридик ва жисмоний шахслар;

субабонентлар — ишлаб чиқариш оқава сувларини абонентнинг канализация тармоқларига оқизадиган юридик ва жисмоний шахслар;

ишлаб чиқариш оқава сувлари — юридик шахс бўлмасдан тадбиркорлик фаолияти билан шуғулланаётган юридик ва жисмоний шахсларнинг улар томонидан бирор-бир маҳсулот ишлаб чиқаришда ёки хизматлар кўрсатишда ишлаб чиқариш жараёнида ҳосил бўладиган ишлаб чиқариш оқава сувларининг барча турлари;

маиший оқава сувлар — одамларнинг ҳаёт фаолияти жараёнида (овқат тайёрлашда, ювинишда, кир ювишда) ҳосил бўладиган оқава сувларининг барча турлари;

нормативдан ортиқча оқизишлар массаси — ишлаб чиқариш оқава сувлари таркибидаги чекланган миқдорда йўл қўйиладиган концентрациядан ортиқча барча ифлослантирувчи моддалар массаси;

авария ҳолатида оқизиш — канализация-тозалаш иншоотларининг техник ва технологик узелларидаги носозликлар ёки авариялар натижасида ифлослантирувчи моддаларнинг канализация тармоқларига ҳамда атроф муҳитга олдиндан мўлжалланмаган ҳолда оқизилиши;

бир йўла оқизиш — муайян қисқа вақт (соат, сутка) оралигида ишлаб чиқариш оқава сувларининг канализация тармоқларига абонентдан доимий оқизишнинг ўртача ҳажмидан ва сифат кўрсаткичидан ортиқча тушиши;

канализация тармоқларига чекланган миқдорда йўл қўйиладиган оқизиш лимити — назорат пунктида сув сифати нормативларини таъминлаш мақсадида ушбу пунктда ва вақт бирлигида белгиланган режимда ажратишга энг кўп даражада йўл қўйиладиган ишлаб чиқариш оқава сувларидаги моддалар массаси. Чекланган миқдорда йўл қўйиладиган оқизиш сувдан фойдаланиш жойларидаги моддаларнинг чекланган миқдорда йўл қўйиладиган концентрациясини, сув объектининг аралаштириш қувватини, оқава сувларни чиқариб ташлайдиган абонентлар ўртасида оқизиладиган моддалар массасини мақбул тақсимлашни ҳисобга олган ҳолда белгиланади;

коммунал-экологик норматив — абонентлар ва субабонентлар учун чекланган миқдорда йўл қўйиладиган концентрация кўрсаткичларини тартибга соладиган ҳужжат.

4. Ушбу қоидалар:

ер усти сувини ишлаб чиқариш ва маиший оқава сувлар билан ифлосланишдан ҳимоя қилишни;

тозалаш иншоотларининг самарали ишлашини ҳамда ишлаб чиқариш оқава сувларини шаҳарлар ва бошқа аҳоли пунктларининг коммунал канализация тармоғига қабул қилишни тўғри ташкил этиш ҳисобига улардан хавфсиз фойдаланишни таъминлашга йўналтирилган.

5. Тасарруфида шаҳарлар ва бошқа аҳоли пунктларининг ишлаб чиқариш оқава сувларини тозалаш бўйича иншоотлар бўлган сув қувурлари-канализация корхоналари санитария қоидаларига ҳамда Давлат табиатни муҳофаза қилиш қўмитасининг ҳудудий органлари билан келишилган нормаларга мувофиқ тадбиркорлик фаолияти билан шуғулланадиган ва ишлаб чиқариш оқава сувларини шаҳарлар ва бошқа аҳоли пунктларининг коммунал канализация тармоқларига оқизадиган абонентлар учун ифлослантирувчи моддалар-

нинг чекланган миқдорда йўл қўйиладиган концентрациясини ҳисобга олган ҳолда ишлаб чиқариш оқава сувларини чиқариб ташлаш юзасидан коммунал-экологик нормативларни тасдиқлайдилар.

Коммунал-экологик нормативнинг амал қилиш муддати 5 йилга белгиланади ҳамда сув балансини сақлаш даврига, шунингдек оқизиладиган ишлаб чиқариш оқава сувларининг миқдор ва сифат таркибига амал қиладиган.

II. ИШЛАБ ЧИҚАРИШ ОҚАВА СУВЛАРИНИ ШАҲАРЛАР ВА БОШҚА АҲОЛИ ПУНКТЛАРИНИНГ КОММУНАЛ КАНАЛИЗАЦИЯ ТАРМОҒИГА ҚАБУЛ ҚИЛИШ ШАРТЛАРИ

6. Шаҳарлар ва бошқа аҳоли пунктларининг коммунал канализация тизимига абонентларнинг маҳаллий тозалаш иншоотларида тозалашда коммунал-экологик нормативлар талабларига етказилган ҳамда канализация тармоқлари ва тозалаш ишида бузилишларга олиб келмайдиган ишлаб чиқариш оқава сувлари қабул қилинади.

7. Шаҳарлар ва бошқа аҳоли пунктларининг коммунал канализация тизимига абонентларнинг маҳаллий тозалаш тизимларида олдиндан тозаламасдан оқизишга йўл қўйилмайдиганлар жумласига қуйидагилар киради:

абонентларнинг таркибида қувурлар, қудуқлар, панжараларни ифлос қиладиган ёки қувурлар, қудуқлар, панжараларнинг деворларида чўкиб қоладиган моддалар (металл заки, оҳактош, қум, гипс, металл қириндилар, ҳайвонларнинг қолдиқлари ва бошқа органик чиқиндилар) бор бўлган ишлаб чиқариш оқава сувлари, қурилиш чиқиндилари ва маиший чиқиндилари, шунингдек бошқа ишлаб чиқариш ва хўжалик чиқиндилари коммунал-экологик нормативлар билан тартибга солинмаган шартли тоза оқимлар, таркибида бўёқлар мавжуд бўлган оқава сувлар, саноат майдончалари ҳудудидан оқадиган юза оқимлар (ёмғир сувлари, талий, экин суғориш сувлари ва бошқалар) ишлаб чиқариш майдонлари ва ҳудудларини ер ости сувлари пасайишидан ҳосил бўлган дренаж сувлар (канализациянинг яхлит эритилган ёки ярим ажратилган тизимидан);

қувурларнинг материалларига ва канализация-тозалаш иншоотларининг технологик коммуникацияларига емирувчи таъсир кўрсатадиган моддалар, концентрациялардаги ишлаб чиқариш оқава сувларини биологик тозалашга тўсқинлик қиладиган зарарли моддалар, хавфли бактериял ифлослантирувчи моддалар, нефть маҳсулотларининг эримайдиган ҳосилалари, биологик жиҳатдан қийин ачийдиган органик ва юза-актив (ПАВ), шунингдек минерал моддалар;

сув объектига тушадиган, сарфи ва таркиби ифлослантирувчи моддаларнинг ҳажми ва миқдорининг йўл қўйиладиган белгиланган нормаларидан ортиқ бўлишига олиб келиши мумкин бўлган ишлаб чиқариш оқава сувларини оқизиш, 40 даражадан ортиқ ҳароратга эга, рН 6,5 дан паст ёки 9 дан юқори бўлган ишлаб чиқариш оқава сувлари кислороднинг кимёвий эҳтиёжи даражаси, кислороднинг биологик эҳтиёжидан (КБЭ_б) 2,5 баравар юқори бўлган ёки КБЭ_{тўлик} 1,5 баравардан ортиқ бўлган — 500 мг/л ортиқ бўлмаган, концентрациялардаги 500 мг/литрдан ортиқ бўлган муаллақ ва сузиб юривчи моддалар, канализация тармоқларида чекланган миқдорда йўл қўйиладиган концентрациялар лимити улар учун белгиланмаган моддалар;

кислоталар, иссиқ аралашмалар, захарли ва эриган газсимон моддалар, жумладан эритувчилар (бензин, диэтил эфир, дихлорметан, бензол ва бошқалар), канализация тармоқларида ва тозалаш иншоотларида захарли газлар (олтингургурт, углерод сульфид, углерод кислотаси, цианли водород кислота, осон учадиган ҳидли углеводородлар буғлари ва бошқалар) ҳосил қилишга қодир бўлган бўёқлар ҳамда бошқа портлаш ва ёнғин чиқариш хавфи бўлган захарли аралашмалар, концентрацияланган кўр ва нил эритмалар, шунингдек таркибида радиоактив моддалар мавжуд бўлган оқава сувлар.

8. Таркибида радиоактив моддалар бор бўлган ишлаб чиқариш оқава сувларини қабул қилиш учун канализациянинг маҳсус тизими мавжуд бўлмаганда уларни шаҳар ёки бошқа аҳоли пунктнинг коммунал канализация тизимига қабул қилиш радиоактив хавфсизлик нормаларига ҳамда радиоактив моддалар ва ионлаштирувчи нурланишнинг бошқа манбалари билан ишлашга доир санитария қоидаларига мувофиқ амалга оширилади.

9. Шаҳарлар ва бошқа аҳоли пунктларининг коммунал канализация тизимида қўшилиши эмульсиялар, захарли ёки портлаш хавфи бўлган газлар, шунингдек кўп миқдорда

эримайдиган моддалар ҳосил бўлишига олиб келиши мумкин бўлган ишлаб чиқариш оқава сувларининг бирлаштирилишига йўл қўйилмайди (масалан, таркибида кальций ёки магний тузи ва ишқорли эритмалар; сода ва нордон сув; натрий сульфид ва ишқор, хлор ва феноллар ҳаддан ташқари кўп бўлган ишлаб чиқариш оқава сувлари).

10. Шаҳарлар ва бошқа аҳоли пунктларининг канализация тизимига қабул қилинадиган ифлослантурувчи моддаларни ишлаб чиқариш оқава сувларига чекланган миқдорда йўл қўйиладиган ташлаш лимитини ҳисоблаб чиқишда сув қувурлари-канализация корхоналари:

ҳисоб-китоб йўли билан аниқланиши керак бўлган КБЭ₅, КБЭ_{тулик} умумий кўрсаткичда ифодаланган муаллақ, коллоид ва эриган ҳолатдаги органик келиб чиққан моддаларнинг йўл қўйиладиган миқдорини ҳисобга олишлари керак. Бунда ишлаб чиқариш оқава сувлари КБЭ ушбу иншоотларни лойиҳалаштиришда қабул қилинган энг кўп даражадаги ҳисоблаб чиқилган КБЭдан ортиқ бўлмаслиги керак;

махсус сувдан фойдаланишга берилган рухсатномада ёки ушбу сув объекти учун чекланган миқдорда йўл қўйиладиган оқизиш лимитларида белгиланган сув объектига тозаланган ишлаб чиқариш оқава сувларини оқизиш шартлари ҳисобга олинган ҳолда белгиланиши керак бўлган аҳоли пунктларининг тозалаш иншоотларида оқизиладиган ифлослантурувчи моддаларнинг йўл қўйиладиган концентрациясини, аҳоли пунктларининг тозалаш иншоотларида ишлаб чиқариш оқава сувларини ифлослантурувчи моддалардан тозалаш самарадорлигига қараб сувдан фойдаланишнинг тегишли турини, аҳоли пунктлари канализация тизимига тушадиган шаҳар ва ишлаб чиқариш оқава сувлари ҳажми нисбатини;

ушбу Қоидаларга 1 ва 2-иловаларга* мувофиқ ишлаб чиқариш оқава сувларини коммунал канализация тармоқларига оқизишда ифлослантурувчи моддаларнинг чекланган миқдорда йўл қўйиладиган концентрациялари нормативларини;

маиший ва ишлаб чиқариш оқава сувлари ҳажмининг ҳисоблаб чиқилган нисбатидан ҳисоблаб чиқилган аралаштиришни ҳисобга олган ҳолда ушбу объект канализациясига чекланган миқдорда йўл қўйиладиган оқизиш лимитидан келиб чиқиб белгиланадиган аҳоли пунктнинг тозалаш иншоотларида утилизация қилинмайдиган ва нейтралзация қилинмайдиган моддаларнинг йўл қўйиладиган концентрациясини ҳисобга олишлари керак.

11. Ишлаб чиқариш оқава сувларини шаҳарлар ва бошқа аҳоли пунктларининг коммунал канализация тизимига оқизиш абонентнинг ҳудудидан ташқарида жойлаштириладиган назорат қудуғи барпо этиш шarti билан мустақил оқизилади. Саноат, транспорт, қурилиш корхоналари ва бошқа корхоналарнинг кўрсатиб ўтилган чиқаришлари ҳар бир чиқариш бўйича ишлаб чиқариш оқава сувларининг сарфи ва сифати устидан доимий назорат қилиш учун мосламалар (кўприкчалар, автоматик намуна олгичлар, сарфни ўлчагичлар, шунингдек, зарурат бўлганда, тамғаланадиган автоматик тиргакли қурилмалар) билан жиҳозланиши керак.

12. Ишлаб чиқариш ва маиший оқава сувлар миқдори ва таркиби сутка мобайнида ўзгарган тақдирда абонентларда махсус сифимлар — сутка мобайнида ишлаб чиқариш оқава сувларини канализацияга тенг миқдорда чиқаришни таъминлайдиган умумий стандартларга яқинлаштиригичлар ўрнатилиши керак.

13. Шаҳарлар тозалаш иншоотларининг технологик самарадорлиги ишлаб чиқариш оқава сувларини тозалаш даражасининг лойиҳа кўрсаткичларини амалдаги кўрсаткичлар билан қиёслаб аниқланади. Лойиҳа маълумотлари мавжуд бўлмаганда, шунингдек тозалаш учун тушаётган ишлаб чиқариш оқава сувлари сарфи ва таркиби лойиҳа параметрларидан четга чиққанда сув қувурлари-канализация хўжалиги корхоналари тозалаш иншоотлари иши норматив кўрсаткичларининг ҳисобланган миқдорини белгилайдилар.

14. Тозалаш иншоотлари иши кўрсаткичлари ишлаб чиқариш оқава сувларининг тақдим этилган (ўртача суткалик) намуналари таҳлили асосида аниқланади. Намуналарни танлаш жадваллари Ўзбекистон Республикаси Давлат табиати муҳофаза қилиш қўмитасининг ҳудудий органлари ва Соғлиқни сақлаш вазирлигининг санитария-эпидемиология станциялари билан келишилади.

15. Канализацияга ишлаб чиқариш оқава сувларини

оқизиш билан белгиланадиган тозаланган ишлаб чиқариш оқава сувлари сифатининг ўзига хос кўрсаткичларининг ҳисобланган миқдорлари уларнинг жамланиши ва тозалаш иншоотларида тозалашнинг самарадорлиги ҳисобга олинган ҳолда аниқланади.

III. ИШЛАБ ЧИҚАРИШ ОҚАВА СУВЛАРИНИ ОҚИЗИШ ЮЗАСИДАН ТЕХНИК ШАРТЛАРНИ БЕРИШ ТАРТИБИ

16. Қуйидагилар:

янгидан қурилган ва реконструкция қилинадиган абонентлар учун — сув қувурлари-канализация корхоналари билан келишилган лойиҳа ҳужжатлари;

ишлаб турган абонентлар учун — белгиланган тартибда тасдиқланган канализацияга оқизиш юзасидан коммунал-экологик норматив (ушбу Қоидаларга 3-илова*);

шаҳарлар ёки бошқа аҳоли пунктларининг коммунал канализация тизимига оқизиш белгиланган ҳамда уларнинг тартиб рақамлари, оқизиладиган ишлаб чиқариш оқава сувларининг сифат таркиби нормативлари ва уларнинг сарфлари, шу жумладан субабонентларнинг сарфлари билан биргаликда маҳаллий тозалаш иншоотлари схемаси, канализациянинг ички майдон тармоғи схемаси;

ифлослантурувчи моддаларнинг ўртача ва энг юқори кўрсаткичи бўйича шаҳар ёки бошқа аҳоли пункти канализациясига чиқаришда маҳаллий тозалаш иншоотларида тозалашгача ва ундан кейинги ишлаб чиқариш оқава сувлари таҳлили натижалари ишлаб чиқариш оқава сувларини шаҳарлар ва бошқа аҳоли пунктларининг коммунал канализация тизимига оқизиш юзасидан техник шартлар бериш учун асос ҳисобланади.

17. Техник шартларни кўриб чиқиш ва бериш мурожаат тушгандан кейин 3 кун муддатда бепул амалга оширилади.

18. Канализация тармоқларини шаҳарлар канализацияси ва янги абонентларнинг бошқа аҳоли пунктлари тизимига, шунингдек мавжуд корхоналарнинг янгидан ишга туширилган қувватларига улашга фақат ишлаб чиқариш оқава сувларини уларни шаҳарлар ва аҳоли пунктлари канализациясининг тозалаш иншоотларига қабул қилиб олиш учун йўл қўйиладиган даражагача тозаланишини таъминлайдиган маҳаллий тозалаш иншоотлари фойдаланишга топширилгандан кейингина рухсат этилади.

19. Корхоналарни қуриш ва реконструкция қилиш юзасидан лойиҳа ҳужжатларини келишиш буюртмачидан ёхуд бош лойиҳаловчидан кўриб чиқиш учун «Сув таъминоти ва канализация» ҳамда «Атроф муҳитга таъсир тўғрисидаги ариза» бўлимларидан иборат бўлган лойиҳа ҳужжатлари тақдим этилган тақдирда сув қувурлари — канализация корхоналари томонидан амалга оширилади.

20. Ишлаб чиқариш оқава сувларини шаҳарлар ва бошқа аҳоли пунктларининг коммунал канализация тизимига оқизиш юзасидан техник шартлар асосида сув қувурлари — канализация корхоналари билан абонент ўртасида сув истеъмол қилиш ва ишлаб чиқариш оқава сувларини ажратиш юзасидан икки томонлама шартнома тузилади.

IV. ИШЛАБ ЧИҚАРИШ ОҚАВА СУВЛАРИНИ ОҚИЗИШНИ НАЗОРАТ ҚИЛИШ ТАРТИБИ

21. Абонент шаҳар ёки бошқа аҳоли пунктнинг канализация тизимига оқизиладиган ишлаб чиқариш оқава сувларининг ҳажми ва сифат таркиби, шунингдек корхоналар майдони ичидаги канализация тармоқларининг ҳолати юзасидан доимий ички назоратни амалга ошириши шарт.

22. Назорат маҳаллий тозалаш иншоотларига кириш ва улардан чиқиш жойларида, назорат қудуқларида ишлаб чиқариш оқава сувларини шаҳар ёки бошқа аҳоли пункти канализациясига бевосита оқизишдан олдин намуна олиш ва уни текшириб кўриш йўли билан амалга оширилади. Назорат жараёнида назорат қудуқларида ва ишлаб чиқариш канализацияси тармоғининг энг муҳим жойларида оқизиладиган ишлаб чиқариш оқава сувларининг ҳажми ҳам ўлчанади.

23. Абонентлар ҳар ойда сув қувурлари — канализация хўжалиги корхоналарига оқизиладиган ишлаб чиқариш оқава сувларининг ҳажми, сифат ва миқдорий таркиби ҳамда уларни шаҳарлар ва бошқа аҳоли пунктларининг коммунал канализация тизимига оқизиш режими тўғрисида ҳисобот маълумотлари тақдим этиши шарт. Ҳисобот маълумотларини тақдим этиш муддатлари ҳамда ҳисоботлар шакли абонент билан сув қувурлари — канализация хўжали-

*1-4-иловалар «Норма маслаҳатчи»да берилмайди.

ги корхонаси ўртасидаги икки томонлама шартномада белгиланади. Абонент тақдим этиладиган ҳисобот маълумотларининг ҳаққонийлиги учун жавоб беради.

24. Сув қувурлари — канализация хўжалиги тармоқлари Давлат табиатни муҳофаза қилиш қўмитасининг ҳудудий органлари билан биргаликда ишлаб чиқариш оқава сувларини оқизишнинг абонент учун тасдиқланган коммунал-экологик нормативга мувофиқлиги юзасидан зарур назоратни амалга оширади.

25. Абонентлар ишлаб чиқариш оқава сувларини тозалаш сифатининг ёмонлашиши, оқава сувларни бир йўла оқизишга, авария-тиклаш ишларини амалга оширишга доир барча ҳолатлар тўғрисида сув қувурлари — канализация корхоналарини, шунингдек Давлат табиатни муҳофаза қилиш қўмитасининг ҳудудий органларини дарҳол хабардор қилиши керак.

26. Ишлаб чиқариш оқава сувларини шаҳарлар ва бошқа аҳоли пунктларининг коммунал канализация тизимига оқизишни амалга оширувчи абонентлар сув қувурлари — канализация корхоналарини сутқанинг исталган вақтида ишлаб чиқариш оқава сувларининг оқизилишини назорат қилиш имконияти билан таъминлаши, шу жумладан оқизилаётган ишлаб чиқариш оқава сувларининг сифат ва миқдорий таркиби бўйича зарур маълумотларни тақдим этиши, бунда приборлар ва қурилмалар, шунингдек намуналар олиш учун фойдаланувчи ходимларини ажратиши шарт.

27. Ишлаб чиқариш оқава сувлари оқизилиши юзасидан мониторинг олиб боришни сув қувурлари — канализация корхоналарининг ихтисослаштирилган лабораториялари амалга оширади.

28. Шаҳар сувлари таркибида ифлослантирувчи, ишлаб чиқариш оқава сувларини ташлаш натижасида ҳосил бўладиган, тозалаш иншоотлари ишлашининг технологик регламентини бузадиган моддаларнинг юқори концентрацияда мавжудлиги аниқланган тақдирда сув қувурлари — канализация корхонаси бу тўғрида Ўзбекистон Республикаси Давлат табиатни муҳофаза қилиш қўмитаси ва Соғлиқни сақлаш вазирлигининг ҳудудий органларини дарҳол хабардор қилиши шарт. Айти бир вақтда сув қувурлари — канализация корхонаси юқори даражада ифлослантирувчи манбани қидириб топиш ишларини амалга оширади.

V. ШАҲАРЛАР ВА БОШҚА АҲОЛИ ПУНКТЛАРИНИНГ КОММУНАЛ КАНАЛИЗАЦИЯ ТИЗИМИГА ИФЛОСЛАНТИРУВЧИ МОДДАЛАРНИ НОРМАТИВДАН ОРТИҚЧА ОҚИЗГАНЛИК УЧУН КОМПЕНСАЦИЯ ТЎЛОВЛАРИНИ ҲИСОБЛАБ ЁЗИШ ТАРТИБИ

29. Ифлослантирувчи моддаларни нормативдан ортиқча оқизганлик учун компенсация тўловларини ҳисоблаб ёзиш тартиби Вазирлар Маҳкамасининг «Ўзбекистон Республикаси ҳудудида атроф табиий муҳит ифлослантирилганлиги ва чиқиндилар жойлаштирилганлиги учун тўловлар тизимини такомиллаштириш тўғрисида» 2003 йил 1 майдаги 199-сон қарорига мувофиқ, ушбу бўлимда назарда тутилган хусусиятларни ҳисобга олган ҳолда белгиланади.

30. Ҳар чоракда, ҳисобот давридан кейинги ойнанинг 5-кунига сув қувурлари — канализация корхоналарининг ихтисослаштирилган лабораториялари Давлат табиатни муҳофаза қилиш қўмитасининг ҳудудий органларига абонентлар томонидан ишлаб чиқариш оқава сувларини коммунал канализация тармоғига қабул қилиб олиш қоидаларига риоя қилинмаганлиги тўғрисидаги ахборотни ушбу Қоидаларга 4-иловага* мувофиқ юборадилар.

31. Давлат табиатни муҳофаза қилиш қўмитасининг ҳудудий органлари сув қувурлари — канализация корхоналарининг тақдимномаларига биноан, ифлослантирувчи моддаларни коммунал канализация тармоқларига нормативдан ортиқча оқизганлик учун тўловларни қонун ҳужжатларига ва ушбу Қоидаларга мувофиқ ҳисоблаб ёзишни ва абонентлардан ундиришни амалга оширадилар.

32. Ҳисобот даври якунлари бўйича сув қувурлари — канализация корхоналари ифлослантирувчи моддаларни очиқ сув ҳавзаларига ёки жой рельефида чиқариб ташлаганлик учун компенсация тўловлари ҳисобларини Давлат табиатни муҳофаза қилиш қўмитасининг ҳудудий органлари билан келишиб олади ва уларнинг тўланишини амалга оширади, бунда ифлослантирувчи моддаларни коммунал канализация тармоқларига нормативдан ортиқча оқизганлик учун улар-

нинг абонентларига ҳисоблаб ёзилган тўловларнинг тўланган суммасини чегириб ташлайдилар.

33. Давлат табиатни муҳофаза қилиш қўмитаси ҳудудий органларининг Ихтисослаштирилган таҳлилий назорат инспекциялари сув қувурлари — канализация корхоналарига мувофиқлаштириш ва методик ёрдам кўрсатиш тартибида ишлаб чиқариш оқава сувларини коммунал канализация тармоқларига оқизишдан олдин тозаланганлик сифати мониторингини амалга оширишга ҳақлидир. Ушбу мониторинг ҳар ойда кўпи билан бир марта, Назорат қилувчи органлар фаолиятини мувофиқлаштириш республика кенгашининг ҳудудий комиссиялари билан махсус келишувсиз амалга оширилади.

34. Сув қувурлари — канализация корхоналари билан уларнинг абонентлари ўртасида ишлаб чиқариш оқава сувларининг сифат таркибини аниқлаш юзасидан бажарилган лаборатория текширишлари натижаларининг ҳаққонийлиги бўйича келишмовчиликлар пайдо бўлган ҳолларда қарор Ихтисослаштирилган таҳлилий назорат инспекцияси томонидан қабул қилинади.

35. Жала сувлари шаҳарлар ва бошқа аҳоли пунктларининг коммунал канализация тизимига рухсатсиз оқизилган тақдирда абонентга нисбатан ишлаб чиқариш оқава сувларини оқизганлик учун амалдаги тарифларга уч барабар миқдордаги коэффициент қўлланади. Ҳисоблаш ташкилотнинг майдони бўйича, кадастр ва метеорология маълумотларига мувофиқ амалга оширилади.

36. Ишлаб чиқариш оқава сувларини коммунал канализация тармоқларига оқизганлик учун компенсация тўловини ҳисоблашда ифлослантирувчи моддаларни ушбу Қоидаларга 1-иловада назарда тутилган йўл қўйиладиган концентрациядан ортиқча миқдорда коммунал канализация тармоқларига оқизаётган абонентлар учун 2,0 миқдордаги ошиб боровчи коэффициент бўйича, ушбу Қоидаларга 2-иловада назарда тутилган миқдор учун эса — 5,0 миқдордаги ошиб боровчи коэффициент бўйича ҳисобланган компенсация тўловлари қўлланади.

VI. УШБУ ҚОИДАЛАРНИ БУЗГАНЛИК УЧУН ЖАВОБГАРЛИК

37. Абонентлар оқибати етарли даражада тозаланмаган ишлаб чиқариш оқава сувларининг сув объектларига оқизилишига сабаб бўладиган бузилишлар учун, шунингдек ишлаб чиқариш оқава сувларини тозалаш иншоотларида рўй берган авариялар ёки бахтсиз ҳодисалар учун, абонентнинг технологик жараёнида фойдаланиладиган реагентларни ҳамда ушбу Қоидаларда регламентланмаган бошқа моддалар ва материалларни оқизганлик учун жавоб берадилар.

Абонентнинг ушбу Қоидалар талабларига риоя қилиш юзасидан жавобгарлиги қонун ҳужжатларига мувофиқ белгиланади.

38. Абонентлар ишлаб чиқариш оқава сувларини шаҳарлар ва бошқа аҳоли пунктларининг коммунал канализация тизимига оқизиш юзасидан коммунал-экологик нормативларда белгиланган талаблар бузилишининг олдини оладиган чоратадбирлар кўрилишини таъминлаши керак. Бундай бузилишлар рўй берганда абонент ифлосланган ишлаб чиқариш оқава сувларини шаҳарлар ва бошқа аҳоли пунктларининг коммунал канализация тизимига оқизишни дарҳол тўхтатиши шарт.

39. Янги абонентни шаҳар ва бошқа аҳоли пунктларининг ишлаётган канализация тизимига сув қувурлари — канализация корхонаси билан келишувсиз улаш тақиқланади.

40. Абонент томонидан бузилишлар содир этилганлиги аниқланган тақдирда сув қувурлари — канализация корхонаси далолатнома тузади ва Давлат табиатни муҳофаза қилиш қўмитасининг ҳудудий органларини аниқланган бузилиш тўғрисида хабардор қилади.

41. Давлат табиатни муҳофаза қилиш қўмитасининг ҳудудий органлари абонентга, компенсация тўловлари суммасини кўрсатган ҳолда, бузилишларни бартараф этиш тўғрисида буйруқ беради.

Берилган буйруқни бажаришдан бош тортилган ёки у зарур даражада бажарилмаган тақдирда материаллар судга оширилади.

42. Сув қувурлари — канализация корхоналари абонентларга коммунал канализация тизимларига, иншоотларга етказилган зарарни ундириш тўғрисида, шунингдек ишлаб чиқариш оқава сувларининг технологик регламенти бузилганлиги юзасидан белгиланган тартибда зътироз ва даъволар билдириш ҳуқуқига эга.



«NORMA» НАШРИЁТИ

тадбиркорлар, бухгалтерлар, аудиторлар, юристлар ва китоб маҳсулотини харид қилмоқчи бўлган барча хоҳловчиларга Ўзбекистон Республикасининг исталган минтақасига етказиб бериш шарти билан таклиф қилади!

Харид қилиш учун бизнинг оммавий оферта – ушбу сонда эълон қилинаётган таклифдан фойдаланинг

ОММАВИЙ ОФЕРТА

1. «NORMA» МЧЖ (бундан кейин – **Ношир**) мазкур таклиф билан Ўзбекистон Республикаси ҳудудида жойлашган (истиколат қиладиган) ва ўз фаолиятини Ўзбекистон Республикасининг қонун ҳужжатларига мувофиқ амалга оширадиган, мазкур оммавий оферта эълон қилинган кундан бошлаб 30 кун давомда қуйида таклиф қилинган шартларни тўлиқгина (ўзи танлаган нашр турларини ҳисобга олган ҳолда) ва сўзсиз қабул қилишни билдирадиган субъект (бундан кейин – **Харидор**) билан босма маҳсулотни етказиб бериш билан сотиш шартномасини (бундан кейин – **Шартнома**) тузишга тайёрлигини билдиради. Ношир ва Харидор биргаликда Тарафлар деб номланади.

2. Харидор, мазкур Шартнома шартлари қабул қилинган тақдирда, Ноширни оммавий офертанинг ажралмас қисми ҳисобланган, мазкур Шартноманинг иловасига биноан шакл бўйича тўлдирилган бюртомнома-акцепт (будан кейин – **Акцепт**) юбориш йўли билан, мазкур оммавий оферта шартлари бўйича харид қилишга ўзининг розилигини маълум қилади.

Акцептнинг барча устуллари тўлиқ, қисқартирилмас, аниқ-равшан, босма ҳарфлар билан тўлдирилиши лозим. Акцепт **244-44-29, 244-18-99, 244-89-17** факслари ёки 100011, Тошкент ш., **Навоий кўчаси, 22-уй, «NORMA» МЧЖ** манзили бўйича почта орқали юборилади.

Факсимил ёзишма юридик кучга эга.

3. Шартнома Ношир томонидан Акцепт олинган пайтдан бошлаб тузилган деб топилади ва кучга кирарди ҳамда Тарафлар томонидан унинг шартлари бажарилиши пайтига қадар амал қилади.

4. Шартноманинг умумий суммаси Харидор Акцептдан танлаган нашрлар қиймати билан белгиланади.

5. Харидор Ноширга Акцепт юборилган пайтдан бошлаб 3 (уч) банк кўни мобайнида нашрлар қийматини 100% олдидан тўлов кўринишида тўлаши шарт.

6. Ношир Шартнома бўйича ўз мажбуриятларини бажаришга унинг ҳисоб-китоб рақамига пул маблағлари қелиб тушганидан кейин ва Акцепт мавжуд бўлганда киришади.

7. Ношир тегишли ҳудудий почта бўлиналари орқали (ёки бошқа усулда) Харидор томонидан танланган нашрларни Акцептда кўрсатилган манзил бўйича Харидорга ўз маблағлари ҳисобидан етказиб беришни ташкил этади.

8. Етказиб бериш муддати – Ноширнинг ҳисоб-китоб рақамига пул маблағлари келиб тушган ва Ношир Акцепт олган пайтдан бошлаб 20 (йигирма) иш кунидан иборат.

Харидор хоҳишига кўра нашр бевосита Ношир офисида олинган ҳолда Харидорнинг вакили бел-

6-бетда

2009 йил 15 январдан эътиборан кучга кирган «Ижро иши юритиш такомиллаштирилиши муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида» УРҚ-199-сон Қонун билан жумладан «Суд ҳужжатлари ва бошқа органлар ҳужжатларини ижро этиш тўғрисида»ги Қонунга ҳам ўзгартиш ва қўшимчалар киритилди.

ҚАРЗДОРМИСАН, САФАРНИ КЎЗЛАМА

Шунга биноан Адлия вазирлиги ҳузуридаги Суд қарорларини ижро этиш, судлар фаолиятини моддий-техника жиҳатидан ва молиявий таъминлаш департаментига (бундан буён матнда Суд департаменти деб юритилади) суд ҳужжатлари ва бошқа органлар ҳужжатларини ижро этишдан бўйин товлаётган шахсларнинг мамлакатдан чиқиб бериш ва рўйхатдан ўтказиш бўлимига тегишли ҳужжатларни жўнатдилар.

Суд департаменти Бухоро вилоят ҳудудий бошқармаси ходимлари Миллий хавфсизлик хизмати, Давлат чегарасини қўриқлаш қўмитаси ҳамда Бухоро вилоят Ички ишлар бошқармасининг махсус виза бериш ва рўйхатдан ўтказиш бўлимига тегишли ҳужжатларни жўнатдилар.

Ўтган йилнинг 25 ноябрида З.Ҳожиев Тошкент халқаро аэропортида, Россия Федерациясига жўнаб кетаётган вақтда тегишли давлат органлари ходимлари томонидан ушланди ва бу ҳақда дарҳол бухоролик суд ижрочиларига хабар қилинди. Ҳамкорлик ҳаракатлари натижасида қочоқ ота ўз болаларига алимент бўйича қарзларини тўлиқ тўлайдиган бўлди.

Умид АМИНОВ,
Суд департаменти Бухоро вилоят ҳудудий бошқармаси бошлиғи.

ФИРИБ КЎЧАСИ

ЁКИ ЯНГИ МАШИНА ЎҒРИНЧА ЭКСИСИГА АЛМАШТИРИЛГАНДА

Обрўлигина бир бошқармада (ҳозирча тергов сири бўлгани учун унинг номини ошкор қилмай кўя қолайлик) хизмат юмушлари учун ишлатишга яп-янги «Нексиа» сотиб олишди. Тасодифни қарангки, бошқарма бошлиғида ҳам айнан шундай машина бўлиб, ранги ҳам бир хил экан. Фақат эскириброк қолиб, охори анча тўкилгани учун бошлиқ янги машина ўзиники бўлишини, ўз гаражида туришини жуда-жуда хоҳлар экан.

Янги машинани эскисига қонуний йўл билан алмаштириб олишнинг иложи йўқлиги сабабли бошлиқ озгина ҳақ ҳисобига орзуси ушалишига ёрдам берадиган «мутахассислар»ни топибди. Орадан ҳеч қанча фурсат ўтмай, янги хизмат машинаси бошлиқнинг гаражидан макон топибди, эски шахсий машина эса бошқарма гаражига киритилибди.

Янги автомобиль ошуфтасининг ортиқча харажатларсиз кўлга киритган янги «Нексиа»дан фойдаланиши кўпга бормабди. Дунёда яхши одамлар кўп деб бежиз айтмайдилар. Қахрамонимизнинг найрангини билиб қолган шундай одамлардан бири прокуратурага бошқарма яқинда олган автомобиль сиртидан янги машинага ўхшамайди, тез-тез бузилиб туради, бошлиқнинг «эски» машинаси эса ялтиллаб турибди деган маънода хабар қилибди.

Прокуратура томонидан ўтказилган текширув бошлиқнинг бу масалада ҳалоллигига шубҳа уйғотди. Тўғри, ҳужжатларга кўра бошлиқ ҳамон ўзининг эски машинасини миниб юрибди, давлат қайд рақами ҳам ўзгармаган. Двигатель ва кузов рақамлари ҳам автомашинанинг техник паспортида кўрсатилганига мос. Аммо мутахассис бўлмаган одам ҳам ажабланиши мумкин: ўн йил ишлатилган «Нексиа» оддий назар ташлаганда ҳам яп-янги бўлиб кўринади, биронта ҳам қирилган жойи йўқ, мотор қисми сира ифлосланмаган.



Шу сабабли жиноят иши кўзгатилиб, тергов доирасида трасологик экспертиза тайинланди. Шу йўл билан айрим масалалар аниқлаштириб олиниши керак эди. Хусусан, мен эксперт сифатида гўё эски деб ҳисобланаётган «Нексиа» автомобильнинг двигатели ва кузови рақами ўзгартirilган-ўзгартirilмаганлигини, ўзгартirilган бўлса бу иш қай йўсинда амалга оширилганлигини аниқлашим лозим эди.

Илмий асосда ишлаб чиқилган тегишли услубиятга таянган ҳолда ўтказилган текширишда қуйидагилар аниқланди:

- узел ва агрегатлар, бинобарин кузов ва двигатель ишлаб чиқарилганлигига оид барча маълумотлар мужассам этилган завод лавҳаси бошқасига алмаштирилган;
- двигатель цилиндрлари блокнинг дўнг ерига туширилган двигатель рақамда ўзгартirilганлик аломатлари бор


(рақамлар кўл кучи билан уриб туширилган, нотекис, металл сатҳнинг эговланганлиги, йўнилганлиги излари кўриниб турибди). Таассуфки, жуда чуқур йўнилганлиги сабабли ундаги дастлабки тартиб рақамини аниқлаб бўлмади. Металл сатҳдан йўқ қилинган белгиларни аниқлашнинг мавжуд услубияти натижа бермади, аммо двигатель рақами ўзгартirilганлигини экспертиза аниқлаб берди.

Автомобиль кузовининг рақами ўн етти хонали идентификация тамғаси тарзида бўлиб, VIN-код деб аталадиган бу тамга машина салонининг паст қисмига, олдинги ўнг ўриндиқнинг ўнг тарафига туширилган бўлади. Ана шуни текшириш тамғалаш автомат тарзда, заводнинг ўзида амалга оширилганлигини, бирон-бир белгилари устидан уриш йўли билан ўзгартirilмаганлигини кўрсатди.

Бироқ кейинги текширишларда кузовнинг айна шу қисми қайта монтаж қилинганлиги аён бўлди, бошқача қилиб айтганда, машинанинг айна шу қисми кесиб олинган ва унинг ўрнига бошқа автомобильнинг худди шундай қисми пайвандлаб кўя қилинган.

Шундай қилиб, натижалари фотосуратларда яққол акс этган эксперт текширувлари фибригарлик ҳолатини равшан кўрсатди – эски шахсий машина давлатга қарашли янги машинага алмаштирилган. Фибригарликнинг қинғир кўчасига кирган бошқарма бошлиғи ғайриҳуқуқий қилмиши учун жавобгарликка тортилди. «Нексиа»лар эса жой алмашишда – ҳар бири ўзининг қонуний жойини топди.

Ольга МАРШАНСКАЯ,
Ўзбекистон Республикаси Адлия вазирлиги ҳузуридаги Х.Сулаймонова номи республика суд экспертизаси марказининг катта илмий ходими.



TOP

ЭНГ ЯХШИСINI ТОП!

«Норма маслаҳатчи» N 7 (240)

2010 йил 15 февраль



SANAY Co.Ltd

«SANAY» ҚҚ Хитой ва Италияда ишлаб чиқарилган юқори сифатли

КАФЕЛЬ


сотади, ўлчами 60x60, 45x45, 40x40

Буюртма бўйича Хитойдан ҳар қандай ускунани етказиб берамиз

Товар сертификатланган
Хизматлар лицензияланган

Тошкентдаги
омбордан сотилади

Тўлов – исталган
шаклда




Тошкент ш., Ҳамза тумани,
Султонали Машҳадий кўч., 210
(мўлжал – шампан винолари заводи).
Тел.: 269-44-66, факс 269-44-33,
Уяли +99893 375-56-58.
E-mail: sanay_uz@yahoo.com

МДХдаги ЭНГ ЙИРИК ИШЛАБ ЧИҚАРУВЧИЛАРДАН БИРИ




АНДИЖОН КАБЕЛЬ ЗАВОДИ



ТОВАР СЕРТИФИКАТЛАНГАН

РЕАЛ НАРХЛАР БЎЙИЧА СИФАТ ВА КАФОЛАТ



Тошкент ш., М.Жалил кўч., 92. Тел.: (99871) 150-11-77 (кўп тармоқли), 150-55-66 e-mail: tashkent@ak.uz, www.cable.uz

ЭНЕРГИЯНИ ТЕЖАШ МАҚСАДИДА

1350 000
Қўвурлар

QUVVAT® ишлаб чиқаради
Узбекистон
Бозориде
12 йил

**ЭЛЕКТРОН
СУВ ҲИСОБЛАГИЧЛАР
ИССИҚЛИК ҲИСОБЛАГИЧЛАР
SUMMATOR-3**

Товарлар сертификатланган. Хизматлар лицензияланган.

Ангрен ш. +(99870) 662 44 77, +(99893) 182 46 57, Тошкент ш. +(99898) 300 22 67
E-mail: sales@quvvat.uz, web-site: www.quvvat.uz

ART MEBEL GROUP
Офис ва уй учун

МЕБЕЛЬ ИШЛАБ ЧИҚАРИШ

Мақбул нархларда
шинам муҳит ҳосил қилинг!!!

Фирма мебель салонларимиз:

1. Тошкент универмаги (собиқ МУМ) – 3-қават
2. Беруний кўч., Б-1, 2-уй, 1-секция
(мўлжал – «Гунча» кинотеатри, «Тинчлик» м.б.)
057-10

Тўлов – исталган шаклда
Товар сертификатланган

Тел./факс: (+99871) 244-86-31, 244-59-54, (+99898) 310-20-77 www.art-mebel.uz

товар сертификатланган

ҚУВУРЛАР H1366-1

полиэтилен
d 16 мм дан 800 мм гача, қалинлиги буюртмага кўра
монтаж билан

ИССИҚДА ЧИДАМЛИ
ВА ИССИҚХОНА

ЭНИ 20 см дан 200 см гача, қалинлиги буюртмага кўра

ПЛЁНКАСИ

Шартномавий нархлар

Факс 228-14-56, тел.: 103-14-38, 130-19-76

Ташкилот нақд пулсиз ҳисоб-китоб йўли билан қуйидагиларни сотади

◆ **ТИҚИЛИ АРМАТУРА: ЗУЛФИНЛАР, ВЕНТИЛЛАР, КЛАПАНЛАР, ЗАТВОРЛАР, КОНДЕНСАТ ҚАЙТАРГИЧЛАР, КРАНЛАР** (зангламайдиған, пўлат, чўян, алюминий, пластмассадан, гуммирланған)

◆ **ЛИФТЛАР 100 дан 5000 кг гача** (йўловчи, юк ташувчилар)

- ◆ Фавворали арматура ø 65/350
- ◆ Насос X-250-200-315 Т,
- ◆ X-200-150-500 К-СД-УЗ ПНС-500/10
- ◆ Электр қўлда ишлайдиган насослар
- ◆ МСК 1000/350
- ◆ Электр таллар, кран-балкалар (қўлда ишлайдиган, электр)
- ◆ КТЦ, УКВ, КТН саноат кондиционерлари
- ◆ Дизель кўчма электр станцияси 60 кВт
- ◆ Муз генератори (30x30 мм ли кубиклар)
- ◆ «Россиянка» электр плиталари (4 конфоркали, духовкаси бор)
- ◆ Сув, бугда ишлайдиган калориферлар, КИД, КВУ клапанлари
- ◆ Гидрантлар, ўт ўчирувчилар энглари

Тел./факс 273-83-86, 273-95-90, 175-81-56 (уяли). E-mail: kaspri64@bk.ru

www.pc.uz - Ўзбекистон компьютер бозоридаги талаб ва тақлиф

«Республика Кўчмас мулк биржаси» ЁАЖ бошланғич баҳоси ошиб бориш тартибда ўтказиладиган очик аукцион савдосига тақлиф этади!

I. РКМБ Марказий идорасининг аукцион савдосига Мирзо Улуғбек тумани СИБ томонидан қуйидаги мол-мулклар қўйилмоқда: 1. Тошкент шаҳар, Чилонзор тумани, Фарҳод кўчасида жойлашган «АНВАРБЕК» тўйхонаси (ижро ҳужжати 17.03.09 й., 5017/17-сонли). Бошланғич баҳоси – 1 914 798 000 сўм. 2. Тошкент шаҳар, М.Улуғбек тумани, Ш.Бурхонов кўчасида жойлашган 59-«А» уй (ижро ҳужжати 17.03.09 й., 5017/17-сонли). Бошланғич баҳоси – 519 160 700 сўм. 3. Тошкент шаҳар, М.Улуғбек тумани, Зайтун кўчасида жойлашган, 3-5-7-уйлар (ижро ҳужжати 17.03.09 й., 5017/17-сонли). Бошланғич баҳоси – 1 239 214 000 сўм.

Аукцион савдосига Юнусобод тумани СИБ томонидан Ўзбекистон Республикаси МХХ автотранспорт воситаларини сақлаш омборхонасида сақланаётган қуйидаги автотранспорт воситалари қўйилмоқда: 1. «МАЗ-3544008-060-030» русумли, д/р М8759 бўлган, 2008 йилда и/ч автотранспорт воситаси ва «МАЗ-975800» русумли, д/р 10G665 бўлган, 2008 йилда и/ч ярим тиркама (ижро ҳужжати 24.11.09 й., 20737-сонли). Бошланғич баҳоси – 109 586 330 сўм. 2. «МАЗ-3544008-060-030» русумли, д/р М8367 бўлган, 2008 йилда и/ч ярим тиркама (ижро ҳужжати 24.11.09 й., 20737-сонли). Бошланғич баҳоси – 109 588 025 сўм.

Аукцион савдоси 2010 йил 23 март куни соат 11.00 да бўлиб ўтади.

Талабгорлар диққатига! Юқоридаги мол-мулклар 2010 йил 23 мартдаги аукцион савдосида сотилмаган тақдирда, мазкур мол-мулкларни сотиш юзасидан такрорий аукцион савдоси 2010 йилнинг 13 апрелида бўлиб ўтишини олдиндан маълум қиламиз. Аукцион савдоси юзасидан барча маълумотларни 228-79-52 телефон рақами ёки биржанинг www.rkmb.uz расмий вебсайти орқали олишингиз мумкин.

Шунингдек 2010 йил 9 март куни соат 11.00 да бўлиб ўтадиган аукцион савдосига такроран Юнусобод тумани СИБ томонидан қуйидагилар қўйилмоқда:

1. Аукцион савдосига «Toyota-Lexus LX-470» русумли, д/р 30K3535 бўлган, 2002 йилда и/ч Ўзбекистон Республикаси МХХ автотранспорт воситаларини сақлаш омборхонасида сақланаётган автотранспорт воситаси (ижро ҳужжати 02.02.09 й., 2781-сонли). Бошланғич баҳоси – 100 000 000 сўм. 2. Аукцион савдосига «Ўзбекишлоқмашсавдо» МЧЖга тегишли Тошкент в., Чиноз тумани, Олмазор кўрғони, Самарқанд кўчасида жойлашган, умумий майдони 61 551,0 кв. м бўлган, база бино-иншоотлари қўйилмоқда (ижро ҳужжати 18.05.09 й., 9337/13-сонли). Бошланғич баҳоси – 1 023 300 000 сўм.

Аукцион савдоларида қатнашиш учун талабгорлар савдо ташкилотчиси билан тузиладиган зақалат келишувиға асосан, мулк бошланғич баҳосининг 10% дан кам бўлмаган миқдорда зақалат пулини, ҳар бир мулк учун алоҳида тартибда, тўлов ҳужжатида ижро ҳужжати рақами ва санасини кўрсатган ҳолда РКМБнинг ОАИҚБ «Ипак йўли банки» Сағбон ф-даги қуйидаги ҳисобрақамиға тўлашлари шарт: х/р: 20210000300571452114, МФО: 01036, ИНН: 200933850. Манзилимиз: Тошкент ш., С.Раҳимов т., М.Ўразбоев кўчаси, 1-А-уй. Тел. 228-7952.

II. РКМБ Хоразм вилояти филиалининг аукцион савдосига: 1. Урганч шаҳар суд ижрочилари бўлими томонидан хатланган 05.06.2006 йилдаги 1172-сонли ижро варақасига асосан Урганч тумани, Фойбу қишлоғида жойлашган «Хоразм автотўли» МЙХПТФДКга қарашли бўлган, узунлиги 3 751 метрни ташкил қилган темир йўл узели қўйилади. Бошланғич баҳоси – 564 597 900 сўм. 2. Урганч шаҳар суд ижрочилари бўлими томонидан хатланган 29.05.2008 йилдаги 1966-сонли ижро варақасига асосан «Хоразмқурилиш» ОАЖга қарашли бўлган, Урганч шаҳар, И.Досов кўчасида жойлашган, 1-сон ишлаб чиқариш филиали худудидаги, қурилиш ости ер майдони – 489,36 кв.

метрни ташкил қилган 3 қаватли маъмурий бино ва қозонхона биноси. Бошланғич баҳоси – 144 126 799 сўм.

3. Урганч шаҳар суд ижрочилари бўлими томонидан хатланган 11.03.2009 йилдаги 17254-сонли ижро варақасига асосан «Хоразм Бўён» МЧЖга қарашли бўлган, Урганч шаҳар, Ёшлик кўчаси, 1-туликда жойлашган, умумий ер майдони – 7 876,65 кв. метрни, шундан қурилиш ости ер майдони – 469,89 кв. метрни ташкил қилган маъмурий бино, омборхона, ёрдамчи бино ва бостирмаси. Бошланғич баҳоси – 54 428 000 сўм. 4. Урганч шаҳар суд ижрочилари бўлими томонидан хатланган 25.05.2009 йилдаги 3842-сонли, 15.09.2009 йилдаги 8585-сонли, 19.10.2009 йилдаги 11100-сонли ижро варақалари, Урганч шаҳар ЖИБ судининг 24.08.2009 йилдаги 1-204/281-сонли ижро варақаларига асосан «Қурилиш монтаж участкаси» МЧЖга қарашли бўлган – Урганч шаҳар, Хонқа кўчаси, 46-уйда жойлашган қуйидаги мулклар: Умумий ер майдони – 4 876,67 кв. метрни, шундан қурилиш ости ер майдони – 398,16 кв. метрни ташкил қилган 2 қаватли маъмурий бино. Бошланғич баҳоси – 161 375 733 сўм. Умумий ер майдони – 7 288,17 кв. метрни ташкил қилган мини асфальт заводи. Бошланғич баҳоси – 105 175 800 сўм. – Урганч шаҳар, Саноатчилар кўчасида жойлашган қуйидаги мулклар: Умумий ер майдони – 13 304,83 кв. метрни, шундан қурилиш ости ер майдони – 5 491,0 кв. метрни ташкил қилган ишлаб чиқариш биноси. Бошланғич баҳоси – 426 935 448 сўм. – Қўшқўпир тумани, Хонобод қишлоғида жойлашган қуйидаги мулклар: қурилиш ости ер майдони – 1 170,94 кв. метрни ташкил қилган янги хом гишт ишлаб чиқариш заводи асбоб-ускуналари, хуммуз биноси ва қурилиши тугалланмаган бинолар мажмуаси. Бошланғич баҳоси – 243 301 320 сўм. – Қўшқўпир тумани Ўзбекёп қишлоғида жойлашган қуйидаги мулклар: Умумий ер майдони – 1 800 кв. метрни, шундан қурилиш ости ер майдони – 630,32 кв. метрни ташкил қилган бошқарув биноси. Бошланғич баҳоси – 51 192 000 сўм.

Аукцион савдоси 2010 йил 2 март куни соат 11.00 да бўлиб ўтади.

Талабгорлар диққатига! Юқоридаги мулклар 2010 йил 2 мартдаги аукцион савдосида сотилмаган тақдирда, сотилмаган мулкларни сотиш юзасидан такрорий аукцион савдоси 2010 йил 18 март куни бўлиб ўтишини олдиндан маълум қиламиз. Аукцион савдоси юзасидан барча маълумотларни 8(362)226-43-64 телефон рақами ёки биржанинг www.rkmb.uz расмий вебсайти орқали олишингиз мумкин.

Аукцион савдоларида қатнашиш учун талабгорлар савдо ташкилотчиси билан тузиладиган зақалат келишувиға асосан, мулк бошланғич баҳосининг 10 фоизидан кам бўлмаган миқдорда зақалат пулини, ҳар бир мулк учун алоҳида тартибда, тўлов ҳужжатида ижро ҳужжати рақами ва санасини кўрсатган ҳолда РКМБнинг Хоразм вилояти филиалидаги қуйидаги ҳисобрақамиға тўлашлари шарт: 20210000700571452056, АТИБ «Ипотека» банки «Тинчлик» филиали, МФО: 00580, ИНН: 200933850. Манзил: Хоразм вилояти, Урганч шаҳри, Й.Бобожонов кўчаси, 23-уй. Телефон: 226-32-63, факс: 224-36-97.

Юқорида кўрсатилган мол-мулклар билан тегишли суд ижрочилари бўлими вакили иштирокида бевосита жойига чиқиб танишиш мумкин. Аукцион савдосида иштирок этиш учун талабгорлардан аризаларни қабул қилиш аукцион савдосига бир кун қолганда тўхтатилади.

Диққат!

Республика Кўчмас мулк биржаси ва унинг худудий филиаллари бюджет ташкилотлари ҳамда давлат унитар корхоналари мол-мулкларининг оммавий савдоларини ташкил этишини алоҳида маълум қилади. www.rkmb.uz. Лицензия: DB 001 №000004.

